



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1551. usque ad annum 1553

Fleury, Claude

August. Vind. [u.a.], 1771

VD18 90118561

§. 125. Tumultus in Polonia ob hæresin suscitati.

[urn:nbn:de:hbz:466:1-66577](#)

§. CXXV.

Sæcul. XVI.

A.C. 1552.

*Tumultus in Polonia ob hæresin sus-
citati.*

Pariter Lutheri hæresis in Polonia plu- *Raynald.*
 rimum invalescebat, passimque Sa- *hoc ann. n. 53.*
 cerdotes sacrilega inibant connubia, *Neugebau.*
lib. 8.
 plebs vero sub duplice specie *Synaxin Flor. Ræm.*
 sumebat, adeo, ut in comitiis Petri- *de Orig. hæ-*
 coviensibus nonnulli Proceres hosce *ref. l. 4. c. 8.*
9. & 10.
 duos articulos edito decreto stabiliri po-
 stularent. Verum Poloniæ Rex, cum
 regnum suum ab hæreticis tam misere-
 discindi deploraret, nullum non movit
 lapidem, ut ejusmodi novitates repre-
 meret, atque ea, quæ in Concilio Tri-
 dentino tunc nondum interrupto defini-
 ta erant, servari juberet. Ipse etiam
 summus Pontifex Regem vehementer
 hortabatur, ut ad sedandos hosce tu-
 multus omnes vires suas, auctoritatem-
 que impenderet. Eam in rem Papa die
 vigesima octava Januarii unum diploma
 ad Regem, alterum vero ad Episcopum
 Cracoviensem, & tertium ad Regni
 Ordines Petricoviæ congregatos trans-
 misit. Attamen hæresis altiores ibidem
 radices potissimum eo ex capite egerat,
 quod inter Episcopos, ac Proceres al-
 tercatio fuisse exorta, cuius occasio-
 nem dabat quidam Kiovienis Canonici
 nomine Stanislaus, qui ob incæ-

G g 3

ftas



Sæcul. XVI stas nuptias a suo Episcopo Sacris in-
A.C. 1552. terdictus fuerat, quamvis alias a fide
 Catholica minime defecisset: cum au-
 tem insuper alii Nobiles de hæresi accu-
 sarentur, Proceres sese ab Episcopali ju-
 risdictione eximere moliebantur, cau-
 sati, quod exclusis Episcopis hæresis
 cognitio soli Regi competeteret: (*) por-
 ro cum Rex in favorem Præsulum sen-
 tentiam in pleno Senatu pronuntiasset,
 hinc Proceres tam insano furore agitari
 ceperant, ut ab illo temporis momen-
 to Ecclesiasticos divexare non desiste-
 rent, unde factum, ut Episcopis man-
 data Regis exequi præpeditis, hære-
 sis hujus dissensionis beneficio sese la-
 tius

(*) En! qua ratione hæresi plana ster-
 natur via, quoties potestatis Ecclesiasticæ ju-
 ra Viris profanis adjudicantur ab iis, qui, ut
 Principibus placeant, sacra profanis miscere
 non erubescunt. Ejusmodi vero adulatoribus
 Sigismundus II. Poloniæ Rex aures præbere
 renuit, hinc quondam a Regni Ordinibus, ac
 Senatoribus comitia Warsoviæ celebrantibus,
 ut de religionis negotio cognosceret, rogatus,
 non minus pie, quam prudenter respondit:
 Rex ego sum, non Pastor Ecclesiæ, tantum
 que abest, ut meum his de rebus velim inter-
 ponere judicium, ut etiam Præsulum Eccle-
 siæ judicio me submittere paratus sim.

tius diffunderet, ac non nisi veritatis, Sæcul. XVI.
ac charitatis dispendio sese stabiliret. C.A. 1552.

§. CXXVI.

*Joachimi Westphali liber adversus
Sacramentarios.*

Ceterum in Germania novæ hæresis *Raynald. l.c.*
Sectatores non minus inter se, quam ^{n. 56.} *Surius ad
cum Catholicis dissensere, litis occasio- hunc ann.*
nem præbentibus Osiandro, Stancaro,
aliisque Sacramentariis, adversus quos
Joachimus Westphalus Hamburgensis
Præco Lutheri secta infectus calarium
strinxit; nam hoc anno millesimo quin-
gentesimo quinquagesimo secundo edidit
librum latino sermone conscriptum, in quo
omnes confusas, atque inter se pugnantes
opiniones circa Cænam Domini ex Sa-
cramentariorum libris decerptas col-
legit, eorumque blasphemias, & erro-
res, ut potius *Magistratus sceptro, quam
stylo refutentur*, dignos esse ostendit,
ac præcipue impugnavit Calvinum, eo-
quod ille, ut inquietabat, se cum Tigu-
rinis circa Cænam sentire simularet.
Hoc Joachimi libro rursus contra Sa-
cramentarios belli flammæ accende-
bantur, quæ a Lutheri obitu vix non
extinctæ videbantur: Ut vero penitus
hujus dissensionis origo inspiciatur, jam
alibi dicta omnino in memoriam revo-